

KOMUNIKADO PA PRENSA 21 di desèmber 2012

PCN TA OUMENTA PENSUNNAN KU 1,1%

E direktiva di e fondo di penshun pa Karibe Hulandes Stichting Pensioenfonds Caribisch Nederland (PCN) a disidí pa oumentá e penshunnan entrante promé di yanüari 2013 ku un total di 1,1%. E oumento aki ta konta ámbos pa esnan ku a baha ku penshun kaba komo pa esnan ku lo baha ku penshun den futuro.

PCN tin e ambishon di oumentá e penshunnan tur aña pa kompensá pa e subida den kostonan di bida. Sinembargo, ta dependé di entre otro e resultado di e invershonnan ku PCN ta hasi i e grado di kobertura di e fondo si berdaderamente por oumentá e penshunnan. Kada aña di nobo, direktiva di PCN ta wak si ta responsabel pa oumentá e penshunnan i e derechonan di esnan ku lo disfrutá di un penshun di PCN den futuro. Direktiva na e momentu ei no ta wak solamente kiko ta e situashon aktual, pero tambe desaroyonan ku ta premirá pa futuro ku por afektá e situashon di e fondo. No tin un derecho outomátiko ku e penshunnan ta wòrdu adaptá tur aña.

E direktiva di PCN ta di opinion ku, mirando resultado di invershonnan den 2012 i tambe e posishon finansiero di fondo, ta responsabel pa oumentá e penshunnan i derechonan di tur partisipante den PCN ku 1.1%. Esaki ta nifiká ku tur hende ku ta kobrando un penshun di behes, penshun di viudo/viuda òf penshun di huérfano, lo kobra for di yanüari 2013 1,1% mas tantu ku e lokual ku nan a kobra na luna di desèmber 2012.

Yama pa mas informashon e ofisina di PCN na Boneiru:

Email: secretaris@pensioenfondscn.com

Telefon: 00 599 701 91 15